

Leftemap kastom save


bakegen long komuniti

Hemi tru se edukesen blong waet man hemi wan impoten pat blong developmen be semtaem hemi save spolem fasin blong pasem kastom save i go long ol yangfala.


Wetem edukesen blong waet man, ol pikinini oli lanem blong stap kwaet insaed long wan rum blong lanem wan samting be blong lanem kastom save oli yusum bigwan han blong olgeta long graon. Ol tija long skul blong waet man oli tekem ples blong ol papa, mama mo ol olfala mo oli kam osem ol man mo woman we oli gat save mo paoa. Oli yusum ol nasonal lanwis, osem Inglis mo Franis, blong givim save long ol pikinini mo i mekem se oli livim long saed olgeta lokol lanwis blong yumi. Edukesen blong waet man i stap gohed blong mekem kalja blong yumi i lus mo bae i save mekem komuniti i brokdaon mo i save mekem ol yangfala oli lus o oli kam ol strenja long ples blong olgeta.

Hemi impoten tumas blong mekem sua se ol kastom save we ol olfala blong yumi oli gat oli mas kasem ol yangfala jeneresen blong tede. I gat ol wok naoia we oli stap gohed blong mekem ol lokol lanwis oli mas go insaed long edukesen sistem blong waet man mo blong leftemap fasin blong lanem samting insaed long komuniti. Hemia bae i mekem se bae yumi save leftemap fasin blong respek long ol olfala blong yumi, we olgeta nao oli holem kastom save blong yumi.

Ol olfala mo ol yangfala blong Bakoya oli stap lukluk from wanem nao hemi impoten blong i gat koperesen bitwin ol olfala mo ol yangfala. Ol man Bakoya oli stap long ol smolsmol vilej raon long Mekambo, Gabon, we hemi ples blong fes asosiesen blong ol Pygmy (smolsmol man) long kantri ia we oli singaotem 'Minorités autochtones pygmées du Gabon (MINAPYGA)'.




Nigel Crawhall



Menuka Scetboon-Didi

Wan boe Mayangna boy i stap go long skul long BOSAWAS Biosphere Reserve, Nicaragua, mo long ples ia i nogat materiel blong skul long lanwis blong Mayangna mo oli no luksave kastom save long skul. Wok i stap gohed naoia blong mekem oli lanem kastom save insaed long klasrum mo blong oli yusum stret lanwis blong olgeta blong tijim kastom save.



Douglas Nakashima

Long riva blong Kuujuaq Arctic Quebec, Canada, wan yangfala boe blong Inuk i stap lanem blong skinim mo katem mit blong wan caribou (animol) taem we hemi stap luk papa blong hem i stap mekem. Hemi stap lanem taem hemi stap lukluk gud fasin blong skinim mo katem animol ia.